

Kattusseqatigiit Partiiat

30 januar 2012

Inatsisartut suleriaasianni § 37 naapertorlugu apeqquteqaat imaattoq Naalakkersuisunut ingerlateqqippara:

Naalakkersuisunut apeqqutit:

Immikkut ittumik nukissiuutitigut pilersorneqarsinnaanermut periarfissat pitsanngorsarneqarnissaat, taamaalilluni immikkut ittunik nukissiorfinnik misileraanerit pilersitsinerillu imminut akilersinnaaleqqullugit, Naalakkersuisut pilersaarutigivaat?

(Inatsisartunut ilaasortaq Knud Fleischer, Kattusseqatigiit Partiiat)

Tunggavilersuut:

Maannakkorpiaq nunap immikkoortuini assigiinngittuni immikkut ittumik nukissiornerit sumi pilersinneqarsinnaanerat pillugu misissuinerit ingerlanneqarput. Tassani ilanngullugu Center for Arktisk Teknologi Sisimiuniittoq misiliutaasumik anorisaammik 6 KW-mik nappaasimalluni. Taamaattoq Nukissiorfiit isumaqatiginiarnerat ajornakusoorsimavoq Anorisaatip innaallagissiornerata sarfalersuilernissaanut.

Taamaammat paaserusunnarpoq Naalakkersuisut siunissami nukissiuutit, namminersortuuppata imaluunniit pisortanit pigineqarpata, tungaasigut pitsaanerusunik periarfissiiniarnerisut, soorlu anorisaatit, mallit, seqernup aammalu erngup nukingini nukissiuutit ulluinnarni atorineqarsinnaasunngornissaat anguniarlugu, sillimaniarneq kisiat eqqarsaatiginagu aammalu nukissiornermi sinneqartoorutaasup illoqarfiup nukissiorfianut tunineqarsinnaasunngorlugu aqqiivigineqarsinnaanersoq.

Ullut qulit qaangiutsinnagit akineqarnissarput kissaatingaarput.